



明州札記

童松叟遺著





明州札記

象恭滔天

王端履重論文齋筆錄鄞全謝山解堯典象恭滔天云孔安國傳  
滔漫也孔穎達云漫者加陵之辭史記本紀亦作漫天古文滔通  
於滔漫通於慢故諸葛忠武曰滔慢則不能研精合之孔傳所云  
傲恨孔疏所云侮上陵下是滔天者慢天也班孟堅幽通賦巨滔  
天以泯夏唐六臣采班昭注滔漫也可知舊解如此蓋貌莊而心  
險實典偽言偽行交濟其惡大禹以巧言令色當之正合是旨按  
堯典又云浩浩滔天孔傳亦以漫天釋之疑此二字乃堯時常語  
故斥鯀惡用之咨洪水亦用之



海豔

重論文齋筆記海豔海中小鱼也曝乾大僅如米粒爾東人目為珍味色直致遠意頗矜貴然食之不過較勝飯米一籌慈熟姜西溟太史咏琴魚而兼及之云儂家本住扶桑東扶寸的皪連叔筒海豔之味將無同勿訝鄉物輕比儂為公多致為佳耳他日徵公海豔詩但言此心已馳彼未免傲人以所不知耳

豐氏藏西嶽華山碑拓本

重論文齋筆記漢西嶽華山碑毀於明嘉靖時世間舊拓僅存三本一在大興朱竹君學士家即華陰王山史所藏本一在成親王治晉齋中即高邱宗牧仲所藏本兩本皆已剪裱成冊一在揚州

阮相國師小獅螺仙館是本明時藏甯波重學士照萬春樓國

一閱嘉慶間嘉定錢太學東璧為范氏編金石目錄成范氏以此碑非范司馬舊物酬贈之嘉慶十年錢氏質於印氏十二年丁外

乃歸於阮此本單紙未裱整碑完全是以謝山有歷二百餘年不

相國師缺不爛之語額間有唐太和間李衛公題名二段碑內空處又有

宋元豐間題名一段皆他本所無尤為希世之寶相國師裝成立

軸與秦泰山碑同貯一匣而系之以詩曰太華三峯削不成夜來

碧色無深淺仙人染作延喜碑飄落人間止三卷長垣一冊歸商

邱但損偏旁最完善華陰東郭又一函桂林花館中見者鮮我今快

得四明本玉軸綈囊示尊顯豐金花錢三百年入我樓中伴文選

驚心動魄竹垞語七尺巖巖開空展渾金璞玉天所成幡然不受



人裁翦唐宗題字皆分明衛公兩款夾額篆全身平列十二行波  
磔豪釐於能辨一字一采青蓮花玉女翻盆黑雲軟已已摹鶴向  
北湖市石察書書佐遣湖邊更刻泰山碑嶽色雙雙照人眼

### 甬東詠古詩

重論文齋筆錄甬波為古甬東地賈逵曰甬東越東鄙甬江東也  
韋昭曰白亭東海口外州也史記索隱曰國語甬句東越地會稽  
句亭縣東海中州也按今鄞縣即是其處元和蔣蔣山徵蔚有甬  
東詠古八首格律雄健隸事精審為備錄之蟻鬪紛紛浪自誇至  
今舊俗尚繁華空留君子六千戶猛記甬東三石家海外風濤多  
島嶼夢中軍士半蟲沙夫差瞑目無疆滅又見東甌走傳車回浦

季安割變遷孤城築後少烽烟是誰陽朔更州治不信孫恩甌水  
仙漢代尚傳南部遠晉家失計一隅偏三江口外頻防禦故轍齊  
果豈偶然改郡開皇自不同息息唐室廢興中幸看巨寇干戈戢  
得見遺氓責昧通決口森嚴安巨鎮鄞江守護詫奇功千年府治  
後茲定奏稿分明憶薛戎武肅英風拓土疆鎮名底事自朱果丸  
泥獨力支盤輿鐵弩餘雄及大洋航海建炎心傾洞瀾心德佑事  
興亡東湖錢湖畔增惆悵史相顏祠尚夕陽鉞陸黃巖起國珍臨  
後何意有經綸十年竊據分諸縣一道降師散決旬金盞山深狼  
露靜石蟬門黯海舟淪可憐血戰慙吳越楚狂受元封久此身信  
國舟防老將才三時分哨令嚴哉何期中葉經倭入後見南塘備



海來烽影唯生螺髻嶺礮聲潮湧碇江臺舟山本自稱天陸鎖鑰  
無端為寇開招寶山前番船過蛟門控扼竟如何七場醜電新丁  
盛四所軍營舊衙多海月江跳都入市決湖南浦盡通波居人指  
點靈山岸一髻烟中見普陀絞宮壘市出危樓千里驚潮一郡收  
風挾剛威未颶母山盤遠勢自台州天封塔古唐碑廢阿育王宮  
梵迹留此地海東門戶重壯懷不僅為清游

楊狀元對語

重論文華錄朱國珮名璉蕭山人少孤善事母母奉佛謹有族子  
倫堂碩階砌古槐蔭極濃鬱出一映合諸生屬對云綠槐夾砌午  
陰匝地掃難開楊崑阜庶子時尚為諸生應聲對曰紅杏出牆春

色滿園闕不佳提學擊節歎曰子必狀元及第己果中甲辰狀元

蟹浦姬憐孝子

重論文華錄朱國珮名璉蕭山人少孤善事母母奉佛謹有族子  
為僧普陀說母附舟渡海禮大士母欣然往孝子病不能送日夜  
念母忽有颶風覆舟者驚起隻身走四百里至渡海處逆旅主  
人詢母所附舟主名及覆溺日搏膺嘔血痛不欲生不求母屍歸  
葬無以為人子願天水極望不可蹤跡焚鋸楮禱於神痛哭號顛  
泣海甫畝見似目瞿或累日不食至蟹浦虺絞疾大作踣地幾絕  
有樞飲以漿少定問其故歎息曰孝哉吾居海濱久矣歲覆舟千  
百未聞有獲屍者若母之溺距岸不可里許屍能逆流上耶維然



幸遇我若歸詢若母衣履以來吾子業漁於海當為若物色之冀  
萬一得孝子稽顙謝趣歸詢母服履具識之將往倦而假寐夢至  
一所風日慘淡不類人世仿佛見母言吾已抵岸收我勿遲也驚  
寤即行未抵蟹浦里許有揭書草亭言海中獲屍狀所著履繡雙  
鸞孝子曰非吾母後耶審揭者姓名謁其家主人出飲漿振也視  
而愕曰孝哉吾始憐若垂斃姑紹若歸耳若去三日吾子方漁有  
屍隨潮入沙尾不後下吾易衣履而棺之藏所易以俟求者信若  
母耶出示之符所識而多一半臂衣孝子疑母平日不衣半臂又  
歸問之婦婦泣曰姑臨行奉以備盥櫛不意遂繫之也孝子曰信  
矣後返偕娘子至棺所即前禱神地也憑焚楮迹尚在距母溺一

月餘矣啓視面如生孝子慙辰大慟血淚俱竭卒奉歸以葬此乾  
隆癸巳事也

張時微攝生衆妙方

重論文齋筆錄張時微攝生衆妙方十一卷目錄有嘉靖四十一  
年七月望日江西布政司左布政使挑一元右布政使王遵校刊  
字時微字維靜鄞縣人嘉靖癸未進士官南京兵部尚書中有治  
體氣一方田螺大者者巴豆殼膽礬許一豆麝香許少右將螺用水養  
三日去泥土揭起螺鑿入礬麝豆在螺內以線拴住放磁器內次  
日化成水凡用須五更時將藥水以手自抹在兩腋下不住手抹  
藥直待腹內欲行臟腑卻住手要棟深遠無人到處空地內去大



便里糞極臭是其驗也以厚土蓋之不可令人知如不盡再以藥水抹之又去大便次日用枯礬一蛤粉半樟腦錢一為細末研勻每用少許擦之永去病根

向朴 直隸志

大清一統志明向朴慈谿人建文時獻縣知縣燕兵起獻當其衝而舊無城郭朴集民以守禦其益將譚淵戰敗懷印而死

趙珽 直隸志

大清一統志明趙珽慈谿人崇禎中為河間兵備僉事 大兵破城珽死之一門十四人俱同死贈太僕卿

胡文學 直隸志

大清一統志胡文學鄆人順治中授正定府推官并陞賊聚眾事敗以偽牒株連者數百人文學惟按治其黨舉偽牒盡焚之人情始安巨盜高鼎踞西山垂二十年遠近騷動文學請益兵防守專意招撫鼎遂降以卓異擢御史

張謙 直隸志

大清一統志張謙慈谿人嘉靖中為大名知府以廉馴與吏終謙之治無敢受一錢者故事養馬常課外復征餘地錢百姓苦之謙請蠲免值歲早蝗為減征派緩馬價蠲田租凡事不便民者悉加酌濟流亡多來歸

翟唐 直隸志



大清一統志 翟唐直隸長垣人 字堯 弘治進士擢御史正德四年  
出按湖廣奏言四川賊首劉烈僭號設官將為大患宜切圖預備  
之策時劉瑾竊柄言路久閉而唐疏中有壅蔽語瑾怒切責久之  
遷甯波知府布有善政以裁抑市舶中官崔瑤被誣下獄謫嵩明  
知州終陝西副使

王克敬 直隸志

大清一統志 王克敬字林能大直隸大甯人幼奇穎大甯留尚少  
文克敬獨孜孜為儒者事仕為浙江行省昭磨監四明倭人互市  
撫以恩意帖然無敢譁拜監察御史尋遷左司都事擢江西道廉  
訪司副使轉兩浙鹽運司使首減紹興民食鹽五千引入為吏部

尚書所著有詩文奏議傳於世

伊爾德 盛京志

大清一統志 伊爾德滿洲正黃旗人從征江西屢從征伐有功加  
至一等伯世職緣事革 順治 九年後授都統隨征湖南破賊衡州十一  
年浙江舟山賊起世祖命為甯海大將軍統兵往剿至甯波趨定  
海分路進攻擒斬偽將焚燬戰艦浙江底定

金礪 盛京志

大清一統志 金礪奉天人順治六年授平定 南 將軍鎮守浙江破明  
魯王朱以海於舟山九年剿海賊於萬松關功第一等男卒

馬國柱 盛京志



大清一統志馬國柱遼陽人順治元年巡撫山西尋擢江南江西  
總督歷剿巨寇江西江北以次撫定先是偽國公張名振奉明魯  
王朱以海竄舟山偽侯吳凱據大蘭山助之國柱招凱降之名振  
勢遂孤嗣名振由海道犯崇明等處檄水師擊敗之靖江又王國  
先順治初破海賊鄭成功於舟山又根特順治十一年敗海賊鄭  
成功之黨阮思陳亦遇於衡水洋後舟山又陳錦由閩浙總督  
敗海賊於舟山

賀欽

咸寧志

大清一統志賀欽字克恭其先定海人以戍邊籍義州少好學讀  
近思錄有悟成化二年登進士授戶科給事中已而師事陳獻章  
既歸尚其像事之弘治改元用閩臣薦起為陝西參議未至而母

死乃上疏懇辭且陳四事一資真儒以濟聖學二薦賢才以輔治  
道三遵祖制以處內官四興禮樂以化天下疏凡數萬言奏入報  
聞正德四年太監劉瑾括遼東田東人震恐義州守又貪橫民變  
聚眾劫掠相戒曰毋驚賀黃門欽聞之急諭禍福以身任之亂遂  
定欽學不務博涉專讀四書六經小学期於反身實踐謂學不必  
求之高遠在圭敬以收放心而已隱居醫坐閩山下別號醫閩有  
集四卷子士涖性通敏博極羣書領弘治壬子鄉薦抱道自娛絕  
意仕進都御史張文錦薦其材應詔陳務實學存教慎謹細微親  
賢遠邪等十二事不報即辭歸隱居終身

楊氏抄真

咸寧志



大清一統志明楊氏妙真浙江鄞縣人父原道戍廣甯妙真年十  
八適廣甯後屯衛總旗賀昇事舅姑以孝聞昇隨征歿於山海關  
氏往扶柩歸葬子祥甫一歲撫育成立孺居四十九年成化間旌

宗弼咸寧志

大清一統志金宗弼太祖第四子後宗望伐宋宋主入海遂克明  
州秀州

臧旻以下江蘇志

大清一統志漢臧旻射陽人熹平初拜揚州刺史時會稽賊許  
昭起兵白季攻破城邑眾以萬數旻連戰三年破平之

袁甫

大清一統志袁甫鄞人提舉江東常平適歲旱亟糶庫庾之積凡  
州縣窶名隸倉司者無新舊皆往催遣官分行賑濟飢者予粟貧  
病者予藥尺籍之單弱者市民之失業者比曲軫之提點本部刑  
獄行部向民疾苦薦循良劾姦貪決滯獄所至詣學宮講說前後  
持節江東五年所活殆不可勝計

朱瑄

大清一統志朱瑄鄞縣人弘治中以右副都御史巡撫江南濬三  
江下流以殺太湖水疏孟瀆諸河通漕自蘇州至崑山經沙河舟  
多覆溺瑄為甃石作堤樹柳其上太倉鎮海二衛軍民雜處難治  
建議置太倉州減蘇松歲辦雜徭實心幹濟口不言錢歸之日獲



食不繼

陳沂

大清一統志陳沂鄞人家南京幼聰穎正德進士官編脩嘉靖中以太僕卿乞歸築遂初園杜門著書絕意世務所著詩文曰柏窓集書學東坡旁及繪事篆隸繪事成稱絕品

黃宏

大清一統志黃宏鄞人著籍孝陵衛弘治進士歷江西左叅議賊閔廿四既降復恃家豪勢剽掠九江上下宏發兵捕之宏濠反被執宏憤怒以手拮向柱塵項是夕卒賊義而棺殮之子紹文奔赴求救得其棺以偽命治殮非父志亟易之扶歸

黃震

大清一統志黃震慈谿人竇祐中調吳縣尉吳多豪勢家告私債刈以厲尉民多凍飢窘若死尉卒手震至不受貴家告府檄攝其縣及攝長洲華亭皆有聲

楊子器

大清一統志楊子器慈谿人弘治元年知崑山縣興脩水利振起學校過塾師之門必下車升坐取童子課程校之獎勵若子弟然毀淫祠百餘區土木像投諸水火邑民立祠祀之九年為常熟知縣蘇州諸水卒由常熟白茅港入海侍郎徐貫既疏治之已而有漲沙當海口潮汐增淤水患如故子器相許浦塘便近可疏乃率



民濟之道為水利

馮元颺

大清一統志馮元颺慈谿人崇禎八年以布政司參議備兵蘇松時溫體仁與唐世濟橫於湖州其鄉人為盜太湖率以邢家為奧主人莫敢向元颺捕得輒發露之最後獲其魁刈世濟族子也立寘之法太倉人陸文聲許張溥張采倡復社亂天下元颺稱二人好學真脩斥文聲誣妄遂忤體仁意謫官

王介

大清一統志王介字元石吳郡人由進士授昭慶軍簽判光宗時入為學官疏請駕觀重華宮甯宗即位韓侂胄用御筆罷諫官介

力攻之開禧中為尚書度支郎首陳用兵之禍後累遷中書舍人會不雨請冊免宰相史弥遠歷知慶元府卒謚忠介簡

錢泮

大清一統志錢泮字鳴教常熟人嘉靖進士歷官侯官慈溪知縣累遷江西左參政所至皆有能聲里居與知縣王鐵鐵禦寇而死贈力戰而死贈光祿卿典鐵鐵並立祠死所

徐獻忠

大清一統志徐獻忠字伯臣華亭人由鄉舉官奉化知縣居二年罷歸愛吳興山水遂徙居焉時掉小艇扣舷吟弄以天隨員真自況初二時文後肆力於九經作春秋稽傳錄供範或向大易心印



四書本義及三江水利考山房九笈樂府原唐詩品凡數百卷為人孝友內外信備自著述外工真草書王世貞輩私謚曰文惠

任士林

大清一統志任士林字升實奉化人少穎悟書經耳不忘文孝忱身正大一以理為宗不作瘦語棘人喉舌趙孟頫輩咸推為今之柳河東大德間攜家華亭興衛山齋善有訪山齋詩及興聖塔華藏諸院記至大初舉安定書院平山長平

王可交

大清一統志唐王可交華亭人業耕釣一日棹舟入江忽見中流有彩舫載七道士呼可交名令登舫一道曰好骨相合為仙一道曰矣後辟穀在四明山不出

藏真

大清一統志藏真姓朱華亭人母生時有異香稍長詣嵩嶽受戒大中間居洛陽長壽寺尋歸姑蘇再往明州所在禪學者雲集成通中示寂賜號心鑑

覺慶

大清一統志元覺慶四明鄞人自幼窮究禪學年二十禮梅峯和尚深入悟門至正中至陳源堅家端坐而逝越三日將火之忽徧



體汗下因停龕十日顏貌如生鬚髮自長瞻禮者無不驚異

### 表燮

大清一統志表燮鄞人調江陰尉浙西大飢常平使羅點屬任賑恤燮命每保畫一圖田疇山水道路悉載之而以居民分布其間凡名數治業悉書之合保為都合都為鄉合鄉為縣徵發爭訟追胥按圖可立決以此為荒政首

### 金洪

大清一統志金洪鄞人弘治初知靖江縣時逋賦日積有田已圯而賦未除者為賦他田之新漲者以充其額又勸民墾荒墾多者得贖罪由是邑無曠土

### 趙鉉

大清一統志趙鉉江陰人生六歲祖父俱以遇賊死隨母吳氏避難又相失育於祖父之故人稍長展轉訪求得母於鄞縣迎歸奉養及卒廬墓三年洪熙元年旌表

### 薛應旂

大清一統志薛應旂字仲常武進人嘉靖進士知慈溪縣歷浙江提舉學副使應旂工文字與王鏊唐順之瞿景淳齊名天下稱王唐瞿薛其閩文所品題百不失一所編有宋元通鑑薛子庸語

### 顧煜

大清一統志顧煜字昭柏無錫人順治己丑進士知象山縣清勤



自飭邑以大治失上官意罷歸邑人歌思之所著有尚書講義經  
濟鉅文古文粹諸書行世

國悟

大清一統志國悟號密雲宜興蔣氏子受衣拂於龍池說法金粟  
天童最久大闡宗旨為緇流領袖崇禎中賜紫衣

顧方

字安徽志

大清一統志顧方丹陽人皇祐進士為明州象山令召父老詢民  
間利病建學以教民大悅服卒於官立祠祀焉

孫沔

大清一統志孫沔會稽人仁宗時再知楚州皆著懿迹

王資深

大清一統志宋王資深山陽人第進士累官尚書郎初擢御史首  
論在朝大臣牀具將上蔡京遣所親謂曰慎勿言當以此位相處  
不得翌日出知揚州尋改明州堂注周書及方言

沈起

大清一統志沈起鄞人監真州轉般倉聞父病妻官歸侍以喪免  
有司劾其擅去終喪薦書應格當選用帝召輔臣曰觀過知仁今  
由父疾而致罪何以厚風教而勸天下為人子者乃特遷之

陳瓘

大清一統志陳瓘鄞人徽宗時出知泰州



陳蒙

大清一統志陳蒙鄞人理宗時為淮東總管賈似道誣以貪污貶建昌軍簿錄其家惟有青穰耳

王纘爵周志畏

大清一統志揚州同知鄞王纘爵江都知縣周志畏 大兵至俱死節乾隆四十一年並賜謚節愍

孫沔

大清一統志孫沔會稽人仁宗時東京多盜乃以沔知徐州明隣賞嚴誅罰盜遂止

王應鵬

大清一統志王應鵬鄞人正德間知嘉定縣被召赴京僚佐覬覦一介不受行至淮有持金二鎰布百足以獻者鵬問之曰感恩切肯敢以為獻應鵬笑曰有是哉乃受布一疋仍製以賞高工其清介類如此

豐稷

大清一統志豐稷鄞人蔡京得政脩故怨貶海州團練使

沈起

大清一統志沈起明州人宋時知海門縣縣負海地卑間歲海潮至冒民田舍民徙以避棄其業起築隄百里引江水灌厥其中田益闡民相率以歸



鄭重

大清一統志鄭重慈谿人成化間知通州重濬金沙河西亭河教十里民利之

沈教

大清一統志沈教慈谿人正德中知桐城縣邑正糧外有羨米三千餘石教奏蠲之建桐谿書院置學田定祭器及古鄉射禮為風教錄

陳居仁

大清一統志陳居仁明州人孝宗時知徽州至郡告以天子節經費以惠儉瘠不能推廣聖德吏例有罪乃招三衛軍植二表於庭

有輸納中度而遭抑退者抱所輸立表下親視之人無留滯吏不徒措手輸稅者恆裹贏以歸鄰州有訟多詣臺省乞決於居仁秩滿邦人挽留由間道始得去

舒璘

大清一統志舒璘奉化人乾道中為徽州教授徽習頓異時詩禮久不預貢士學教無傳璘作詩禮誨解家傳人習自是其學寔盛丞相留正稱為當時第一教官

袁甫

大清一統志袁甫鄞縣人嘉定中知徽州治先教化崇學校訪便民事上之請蠲婺原紬絹萬七千餘足茶租折帛錢五千餘貫月



椿錢六千餘貫請照咸平紹興乾道寬恤指揮受納徽絹定每疋  
十兩清下轉運常平兩司預蓄常平義倉備荒興脩陂塘勸築百  
梁

王應麟

大清一統志王應麟慶元府人知徽州其父搆嘗守是郡父老皆  
曰此清白太守子也推豪右省租賦民大悅

程大昌

大清一統志程大昌字泰之休甯人紹興中進士光宗初徙知明  
州尋奉祠

江秉謙

大清一統志江秉謙字兆豫歙人萬歷進士知鄞縣以廉能稱徵  
入授御史入臺侃侃言事劾尚書李汝華并劾沈淮詆中官劉朝  
及乳媪宓氏內外皆怨遂出秉謙於外家居四年聞忠賢專擅憂  
憤卒

汪偉

大清一統志汪偉字升度休甯人崇禎初進士慈溪知縣政績大  
著十一年帝念寇氛日熾擇知推治行年絕者入翰林偉推檢討  
充東宮講官十六年城陷承天荆襄偉以留都根本可憲上江防  
綢繆疏帝嘉納之為特設九江總督前後所言皆切時務及賊犯  
都城守兵乏餉不得食偉出貲市餅餌以餽已而城陷偉語絕室



耿氏善撫幼子耿曰吾獨不能從父死乎因以幼子託其弟投環  
死偉欣然曰是誠吾志也爰書壁曰翰林院檢討東宮日講官汪  
偉同廷室耿氏死節子觀書勉以忠孝乃自經本朝乾隆四十  
一年賜謚文毅

### 孫夢觀

大清一統志孫夢觀慈溪人理宗時知甯國府蠲逋減賦無算反  
入者盡藉於公帑戶部遣官督賦閩郡皇駭夢觀曰吾甯委官以  
去甯甯病民以留將以府印牒所遣官聞之夜遁他日夢觀去甯  
國人為之流涕丞相董槐召還帝問江東廉使槐首以孫夢觀對  
程端禮

大清一統志程端禮鄞縣人至元中為建德教諭傳朱子明體達  
用之指所著有讀書日程頒示郡邑為學者式

### 錢璜

大清一統志錢璜鄞縣人弘治中知青陽縣庭無奸吏獄無繫囚  
士農各安其業會遷秩老幼遮道攀援不忍其去

### 王罕

大清一統志王罕字師言華陽人為西路轉運使降僦宗且父子  
徙知澤明二州為政務適人情不加威罰終光祿卿

### 章銳

大清一統志章銳鄞縣人成化中知鳳陽府游雁水旱奏行救災



備荒十六事民困大蘇居數年省脩陵浮費救萬井湖廣參政

陳永

大清一統志陳永鄞縣人兄秉為壽州春府教授永依之以居適  
童貫領兵道府下謁不得入餽之不受貫怒歸而潛之上曰此人  
素如此汝不能容耶

屠隆

大清一統志屠隆鄞縣人萬歷中知潁上縣時城東河門患何決  
築長堤以衛之

周鼎

大清一統志周鼎鄞縣人洪武八年知滁州始滁隸中書事皆符

下有不可者封上之已隸鳳陽府守數加苛責鼎不為動滁當孔  
道簿書填委鼎綜核嚴明治最他州

黃潤玉

大清一統志黃潤玉鄞縣人景泰初知含山縣鑿渠塘築堤堰歷  
湖邑田無虞水旱

黃震

大清一統志黃震慈谿人通判廣德軍初孝宗頌朱子社倉法於  
天下而廣德官自置倉民困於納息至以息為本橫取於民議者  
以法本朱子不敢變震曰法出於堯舜三代聖人苟有安通安有先  
儒為法不思救其弊耶乃別買田六百畝以其租代社倉納息約



非凶年不貸而貸者不取息民甚便之郡守賈蕃世以似道後子  
駒繼不法震怒其爭論是非蕃世疏震接政生解官

夏魁陽

大清一統志夏魁陽字宿甫建平人以奉化訓導攝浦江縣事賊  
陷義烏及浦江魁陽誓眾登陴城破被執抗罵不屈殞於地

徐瑾

大清一統志徐瑾六安州人正統中為鄞縣縣丞零州盜起瑾率  
丁壯邀擊敵有斬獲援兵不至死之

戴暨

大清一統志戴暨鄞人正德中山西按察使振飭憲典官吏憚之

有閩殺人匿宗室家吏不敢問暨收捕付獄有知縣受賕殺人巡  
按知其與權貴有連釋之暨為正法

寇天敘

大清一統志寇天敘字子愔榆次人正德進士授南京大理評事  
歷寺副讞獄多所平反遷甯波知府有聲權應天府丞武宗南巡  
江彬等怙寵為雲天敘力為之抗民得不困嘉靖初歷撫甘肅陝  
西以禦寇功擢刑部右侍郎改兵部卒家貧去事不具

張送諫

大清一統志張送諫浙江甯波人官學士元亡遂遠遁伴狂乞於  
翼城後以詩贈學諭學諭憫其寒令諸生遺之以布送諫曰何相



輕如此古之邵衣而斃者何人哉遂索詩而反其布

楊子器

以下山志

大清一統志楊子器慈溪人弘治八年知高平縣正身率物訟獄  
衰息暇則與諸生講經學士習五振

麻振揚

大清一統志麻振揚朔平右衛人少有智略順治元年以參將隨  
豫王征遼闕歷懷慶甘肅甯波象山副總兵骨有功績後擢京口  
總兵軍民安之

楊茂元

以下山東志

大清一統志楊茂元鄆人宏治中為山東副使河決張秋命中官

李興等往治茂元奏言中官恣橫外戚擅權宜專任御史劉大夏  
名興還朝忤旨逮繫父老遮道乞還不聽

姚鎮

大清一統志姚鎮慈谿人心德時為山東左布政使居官不以家  
累自隨輿隸皆得出入寢所守藏吏以羨金四千進鎮正色叱之  
武宗巡幸鎮舟誤觸帝舟左右以告帝素知鎮材異笑曰是髯翁  
也釋之

陳沂

大清一統志陳沂鄆人嘉靖間遷山東左參政按視沂莒滕費諸  
州縣察其災傷為發帑市牛給民墾藝寬其租又蠲除種馬還水



諸徭民獲獲息嘗遇張璠於德州璠謂曰行當召公沂謝曰齊民困甚為行沂恤災之疏膝受德也

沈九疇

大清一統志沈九疇鄆縣人萬曆中分守萊州海右道參議平度飢民致煽九疇單車赴之擒治渠魁事賴以定

王璉

大清一統志王璉字器之日照人博通經史尤長於春秋初為教授洪武末以薦授甯波知府自奉儉約一日饌供魚羹命撤而埋之人號埋羹太守蓋師臨江璉造舟艦謀勤王為術卒縛至京師成祖問造舟何為對曰欲泛海趨瓜州阻師南渡耳帝不罪放

還

戴浩

大清一統志戴浩鄆縣人宣德中為東昌府通判有清操力行惠政民為之謠曰戴別駕公實惠吾儂廉慎忘躬克致年豐

王來以下河南志

大清一統志王來慈谿人正統中遷河南左布政使黃河溢且鬩汴城築堤捍之改左副御史巡撫河南額森內犯督兵勸王渡河聞寇退而還額森舊作也先今改

朱瑄

大清一統志朱瑄鄆縣人成化時為左叅議累遷右布政使撫輯



流庸後業甚眾以河南地多平陸輸時不雨即赤地千里因考求古蹟濬渠置閘藩府豪右兼并者志為釐正水利大興河決張秋其都御史劉大夏志心築塞黃陵岡口河志遂息

顏鯨

大清一統志顏鯨慈縣人嘉靖末以御史按河南伊王典樸結嚴嵩父子養贖盜為爪牙鯨密奏記徐階汝諸大壻絕其內援又盡捕王偵事飛騎託言防寇檄諸府分兵屯要害乃疏劾其罪帝震怒廢為庶人錮之高牆而何人鼓舞稱慶

向經

大清一統志向經字雷禮敏中孫以蔭王虞部員外郎神宗即位

進廣州團練使知陳州移知河陽有善政遷明州觀察使召還探舉景陵宮後出知青州卒經所至勤吏治事皆自省決類以才見於用故數請外補

韋璞

大清一統志韋璞開封人高宗崩以司農少卿為金國告哀使金主錫宴其館使以用樂璞不可及見入命璞吉服又不可乃以凶服見紹熙初授明州觀察使十年不遷甯宗嘉其恬遇授清遠軍節度

王猷著

大清一統志王猷著新蔡人字則明順治元年貢士四年遷漢中



府推官時四川用兵漢中為西蜀之要南送川餉東迎楚米西理  
茶法兼詰兵戎歆著志身任其勞檢按交疏薦之陞甯波府同知  
歲飢捐俸施米活全萬計十一年遷黃州太守未幾以病告歸凡  
隣里有急募急難貧乏者志推解周卹人皆感之

姚鎮以下陝西志

大清一統志姚鎮慈谿人正德十五年以右副都御史巡按延綏  
先是武宗以十萬眾駐其地公私交遷鎮按循有方漸復其舊已  
上邊務六事皆議行軍政大飭鎮城外素禁樵採鎮志恣城中民  
芻牧嘉靖初吉農寇涇陽遣將邀斬其二將乃適及去延綏民刻

像祀之吉農一作吉囊

### 孔戣

大清一統志唐孔戣孔子後憲宗時為華州刺史明州歲貢淡菜  
蚶蛤之類戣以為自海抵京師道路役凡四十三萬人奏罷之後  
擇嶺南節度使帝問裴度嘗論罷蚶菜者度以戣對即拜之

### 林鑛

大清一統志林鑛慈谿人康熙中知宜君縣縣當南北孔道郵傳  
往來向取之民鑛大為裁省編審丁賦豪猾率以贿免鑛精心鈎  
考酌定科則積弊一清

俞充甘肅志

大清一統志俞充鄞人神宗時知慶州慶陽兵驕小繩治輒肆悖



充嚴約束斬妄言者於軍門聞有病者則巡按勞餉死不能舉者  
出私財以周其喪以故莫不畏威而懷德環州田與及境犬牙交  
錯每獲必遺掠多棄勿理充檄所部後以時耕植募家旗山夫叛  
舉戶亡入西者且三百充遣將張守約耀兵塞上及人亟反之

王式以下浙江志

大清一統志王式太原人唐懿宗時為浙東觀察使時剽賊裘甫  
亂式至擒甫斬之餘姚民徐澤專魚鹽之利慈甯民陳斌冒名仕  
至縣令皆豪縱州不能制式寤治其姦皆榜死

李迨

大清一統志李迨東平人紹興五年除兩浙轉運使言祖宗都大

梁歲漕東南六百餘萬斛而六路之民無飛挽之擾蓋所運者官  
舟所役者兵卒故也今駐蹕浙右漕運地里不若中都之遠而公  
私苦之何也以所用之舟大半取於民間往往鑿井池船沈船以  
避其役如溫明處吉等處所置造船塲乞委逐州守臣措置募兵  
卒牽挽使臣管押庶幾害不及民可以漸復漕運舊制

趙子浦

大清一統志明州守趙善繼治郡殘酷子浦率諸監司劾罷之

吳潛

大清一統志吳潛甯國人端平中提點浙西坑冶權兵部尚書浙  
西制置使轉浙東安撫使信祐聞授沿海制置大使判慶元府條



具軍民久遠之計告於政府奏皆行之

楊瑄

大清一統志楊瑄豐城人成化初遷浙江副使按行海道禁將校私縱戍卒立柵法脩定海及霏霽健跳二所捍海塘海鹽堤岸二千三百丈民得奠居

陶琰

大清一統志陶琰絳州人正德中以右都御史巡視浙江時甯紹瀕海地颶風大作海堤毀者三百里居民漂沒萬數琰出帑按行賑賑拯委官築堤捍水自蕭山至會稽凡五萬餘丈

俞大猷

大清一統志俞大猷晉江人嘉靖三十一年倭擾浙東詔大猷為甯紹諸郡參將以舟師却賊於昌國衛賊轉掠紹興諸縣大猷連戰破之升秩去三十五年倭為浙江總兵平賊徐海浙西倭患遂息餘眾踞舟山大猷乘夜雪攻之賊多死其逸出者盡殲之浙東亦甯胡宗憲許汪直通市大猷力爭不可及直誘入下吏其黨遂叛大猷急攻之宗憲陰縱逸去宗憲被劾委賊大猷逮繫詔獄朝廷知其冤尋後用

許勇

大清一統志許勇侯官人崇禎間浙江僉事分巡甯紹築郡城殲海寇陳奇老等改督學政釐正文體得人為盛時有權璫鎮浙勇



抗不為禮士有儒服郊迎者立擯之

陳儒

大清一統志陳儒吉水人嘉靖間浙江按察副使巡視甯紹海道首案文武職吏捕縣丞藍佐指揮楊准寘之法軍民惕然後改督學以崇經術禁浮靡為己任

李際期

大清一統志李際期孟津人順治二年任浙江參議督理學政時值鼎新際期立意振興學校培養人材所貢拔皆一時名流士風丕振擢參政兵備甯紹釐奸剔弊振紀肅綱勵精案牘以無寬抑

趙廷臣

大清一統志趙廷臣漢軍鑲黃旗人康熙元年以兵部右侍郎總督浙閩時海濱尚多未靖廷臣親赴寧海由甯台溫三縣出洋搜緝海宇悉定

色伯哩舊作塞白理

大清一統志色伯哩滿洲人康熙八年以都督同知提督浙江軍務駐甯波紀律嚴明與士卒同甘苦文武協和愛養百姓時耿逆反於閩中盜賊四起色伯哩與總督李之芳密籌方畧調兵四援之芳督軍衢州色伯哩督軍台州剷除逆氛招撫流亡浙賴以安以勩勞卒於任兵民立祠祀之

虞翻



大清虞統志吳虞翻餘批人為富壽長孫策堯諸長吏並於出赴  
喪翻曰恐鄰縣山民或有奸妄遠委城郭必致不虞因留制服行  
喪諸縣效之咸以安甯

### 楊簡

大清一統志楊簡慈谿人乾道中授富陽主簿富陽民多服賈而  
不知學簡興學養士文風遂振

### 夏時正

大清一統志夏時正字秀爵仁和人正統進士景泰中以刑部郎  
中錄囚福建多所平反屢擢南京大理卿成化七年巡視江西災  
傷除無名稅十餘萬汰諸司冗役救萬增築南昌歙江堤及豐城

諸縣陂岸乞歸貧甚僦居民舍布政使張璜為築西湖書院居之  
時正雅好學閒居久多所著述於稽古禮文事尤詳

### 袁甫

大清一統志袁甫鄞人甯宗時通判湖州改常平赦源以增積貲  
核隱產增附嬰兒局

### 史浩魏公祠

大清一統志史浩守紹奏免湖田糧民為立祠額曰彰德有史魏  
公祠在山陰縣戒珠寺側

### 楊簡

大清一統志楊簡慈谿人乾道中為紹興府司理犴獄必親臨端



默以聽使自吐露越陪都其府鼎立簡中立無歟一府吏觸帥怒  
令鞠之簡白無罪命鞠平日簡曰吏過豈能免今日實無罪必摘  
往事置之法某不敢奉命帥大怒簡爭愈力朱子為平常使者首  
薦之

### 黃震

大清一統志黃震慈溪人通判紹興獲海寇倭之後又提舉常平  
浙東常平鎮安飢民折盜賊萌芽

### 葉恆

大清一統志葉恆鄞人正元中判餘姚州事海堤決壞恆置石堤  
令完固自是無海患

### 王章

大清一統志王章武進人崇祿初知諸暨縣有聲甫半載以才調  
鄞縣諸暨民與鄞縣民爭挽車丞相譚乃乘夜啟門而去

### 虞翻

大清一統志虞翻字仲翔少好學有高風氣孫策命為功曹出為  
富春長曹操辟不就孫權以為騎都尉數犯顏諫淨權積怒徙翻  
交州誨學不倦門徒常數百人權後察其亮直令交州給船遣還  
翻已終歸葬舊墓所著易注及論語國語老子訓注皆傳於世翻  
有十一子也最知名任至交州刺史兄弟忠宜都太守晉征吳忠  
堅守城潰被害



關澤

大清一統志關澤字德潤宛覽羣籍兼通歷數孫權以為尚書遷中書令赤烏中拜太子太傅封鄉都侯每朝廷大議經典所疑輒咨訪之

虞潭

大清一統志虞潭字思奧翻孫忠之子清貞有檢操州辟從事歷徙禮陵令張昌作亂潭起兵斬昌又與諸軍共討陳恢平杜弼屬遷宗正卿告歸會王含沈充等攻逼京師潭起義兵軍赴國難事平徵拜尚書出守吳興蘇峻反潭與陶侃郝鑿率眾禦之以前後功封武昌縣侯咸康中進衛將軍潭貌雖和柔而內堅明有膽屢

決屢統軍旅數有傾敗終開府侍中卒謚孝烈凡子雙字思行有才望官至光祿大夫

虞喜

大清一統志虞喜字仲甯少立操行博学好古累徵不就郡察孝廉司徒辟公車徵拜博士皆不就咸康初何充疏薦喜高尚邈世博聞強識詔以散騎常侍徵之又不就永和初有司議祧廟不能決朝廷遣使就諮之喜專心經傳又釋毛詩畧注孝經為志林三十篇凡所著述數十萬言

孔愉

大清一統志孔愉字敬康山陰人幼孤養祖母以孝聞建興中累



遷侍中太常蘓峻反愉朝服守宗廟峻平溫嶠執愉手流涕曰持  
古人之節歲寒不彫者惟君一人耳轉尚書左僕射出為會稽內  
史白季縣有漢時舊陂愉為脩浚溉田二百餘畝頃皆成良業在  
郡三年乃營侯山下數畝地為宅草屋數間後棄官居之卒謚曰  
貞

### 虞預

大清一統志虞預字井甯喜弟少好學有父季庾亮諸葛恢薦其  
才行召為著作郎進散騎常侍著晉書四十餘卷會稽典錄二十  
卷

### 虞愿

大清一統志虞愿字士恭元嘉中為湘東王國常侍明帝立除通  
直散騎侍郎帝起湘宮寺費極侈愿正色言曰此百姓賣兒貼掃  
所為有何功德帝大怒使人曳下殿愿去異室出為晉安太守有  
異政後遷廷尉領東觀祭酒著五經論問撰會稽記文翰數十篇

### 虞棕

大清一統志虞棕字景豫少以孝聞仕齊累遷祠部尚書鬱林廢  
棕竊歎曰王徐遂縛袴廢天子天下豈有此理耶延興初領右軍  
明帝立棕稱疾不陪位帝引參佐命棕曰公卿戮力甯依朽老  
以匡贊維新因慟不自勝朝議於糾之僕射徐孝嗣曰此古之  
遺直乃止稱疾萬還



虞荔

大清一統志虞荔字山披博覽墳籍善屬文果武帝用為士林館  
學士以文史見知文帝即位領大著作初荔母隨荔入臺卒尋城  
陷情禮不伸終身蔬食布衣不能言樂雖任遇隆重而居止儉素  
淡然無營性沈密凡所獻替莫有見其際者弟寄字次安弱冠舉  
秀才對策高第陳寶應據閩中得寄甚喜引為僚屬固辭及寶  
應有逆謀寄每陳順逆之理知不可諫偽稱疾不起後又因書極  
諫寶應既擒救寄還朝除建安王諮議寄少篤行造次必於仁厚  
至臨危執節詞氣凜然白刃不憚也

虞綽

大清一統志虞綽字士裕博學有俊才大業初為秘書學士奉詔  
撰長洲玉鏡等書綽所筆削帝未嘗不稱善累遷著作郎佐郎

虞世南

大清一統志虞世南字伯施荔子出繼寄為後辭書體持名重當  
時太宗踐阼擢宏文館學士世南貌儒謹而中抗烈議論持正疏  
陳剴切帝嘗作宮體詩使廣和聖世南曰聖作誠工然體非雅正  
恐此詩一傳天下風靡不敢奉詔帝深嘉之每稱其德行忠直博  
學文詞書翰為五絕累封永興縣公平謚文懿

賀知章

大清一統志賀知章字季真永興人證聖初擢進士開元中累遷



禮部侍郎兼集賢院學士明皇自為焚賜之肅宗為太子知事遷  
賓客授秘書監晚節自號四明狂客每醉屬辭筆不停書成有可  
觀天寶初請為道士還鄉里詔許之賜鏡湖剡川一曲改行帝賜  
詩太子石官錢送乾元初贈禮部尚書

孫子秀

大清一統志孫子秀字元實餘姚人紹定進士調吳縣主簿歷知  
金壇縣通判慶元府主管浙東鹽事皆以政績著聞

蔣貴

大清一統志蔣貴字大富諸暨人由蕪山護衛卒後成祖起兵積  
功至昌國衛指揮同知歷官至總兵封侯卒贈涇國公諡武勇

婁汝初

大清一統志婁汝初黃巖人任甯波城守千總康熙三年十六年  
捕賊於慈谿之陽覺殿力戰死事聞贈一子

豐稷

大清一統志豐稷鄞人為御史中丞以論蔡京安置台州

汪大猷

大清一統志汪大猷鄞人紹興間授金華縣丞爭財者諭以長幼  
之禮收服而退李椿年行經界法約束嚴甚檄大猷覆現龍游縣請不實者得  
自陳毋遽加罪得自陳毋遽加罪

呂祖儉



大清一統志呂祖儉字子約祖謙弟受業祖謙如諸生監明州倉  
將上會祖謙卒乞終其喪甯宗即位除太府丞韓侂胄用事趙汝  
愚器相祖儉上封事極論安置吉州遇赦量移高安尋卒在謫所  
讀書窮理賣藥以自給每出必草屐徒步為踰嶺之備所為文有  
大愚集嘉熙初謚曰忠

戴良

大清一統志戴良字休休浦江人通經史百家醫卜釋老之說  
初習科舉業已棄去學古文於黃潛柳貫吳萊以詩名日討論聖  
賢微言至正中以薦擢儒學提舉寓吳門堂泛海採登萊結交蓋  
齊豪傑奮然有為不獲遂元亡南還爰姓名隱四明山太祖物色

得之名至京師召官之以老疾固辭忤旨輸年累卒蒼自裁也良  
世居金華九靈山下自號九靈山人

史浩鑿仙霞嶺

大清一統志史浩仙霞嶺在江山縣南一百里周百里登之者凡  
三百六十級歷二十四曲長二十里宋紹興中史浩帥閩過此募  
人以石甃路自是鑿削舊時險阨少就寬平

汪大猷

大清一統志汪大猷鄞人紹興中以恩補官授江山縣尉煖場吏  
事



大清一統志表甫鄞人嘉定中知衢州立旬講務以理義泚士心  
歲撥助養士千緡西安龍游當山天地積窘預備為代輸三萬五  
千緡蠲放四萬七千緡郡有義莊買良田二百畝益之

### 趙逢龍

大清一統志趙逢龍鄞人理宗時歷知衢州有司例設供張逢龍  
至恚命撤去日具蔬飯坐公署事至即面問決遣為政務實怒接  
諭州惟一以天理民彝為言民不忍欺

### 陳垣

大清一統志陳垣鄞人端平初知衢州寇卜日發濠坑遵江山縣  
而東坂獲謀者即遣人致牛酒諭以大義勸其速改否則殺無赦

於是自首者日以百數獻器械者重酬之遂潰散

### 王應麟

大清一統志王應麟慶元府人信祐中調西安主簿民以年少易  
視之輸賦後時應麟白郡守繩以法遂立辦諸校欲為縣亂縣令  
翁甫倉皇計不知所出應麟以理諭之眾皆誓服

### 表韶

大清一統志表韶慶元人嘉定中知桐廬縣邑多宗室持縣事每  
有善去者韶至絕私謁莫敢接錢唐岸歲為潮鬻率取石桐廬韶  
言廟子山有石不必旁取鄰郡遂得永免名為太常寺主簿父老  
旗枝蔽日以錢至於富陽泣謝曰吾曹不復輸石矣



錢時

大清一統志錢時字子昆臨安人受業楊簡之門絕意科舉究明  
理學江東提刑袁甫作象山書院招主講席學者興起

豐稷

大清一統志豐稷明州人徽宗時以劾蔡京安置睦州家於青溪  
樓鑰

大清一統志樓鑰鄞縣人淳熙間知温州屬縣樂清倡言方臘之  
變且後起邑人捕數人歸於郡鑰曰罪之則無可坐縱之則惑民  
編隸其為首者而驅其徒出境民言遂定

楊簡

大清一統志楊簡慈溪人泰定中知温州移文首罷妓籍為敬賢  
士在郡廉儉自將奉養菲薄嘗曰吾敢以赤子膏血自肥乎閩巷  
雍睦無怨爭聲民愛之如父母咸畫像事之

高明

大清一統志高明字則誠平陽人至正進士授處州錄事辟行省  
掾方國珍於留置幕下即日解官旅寓鄞之樸社明太祖聞其名  
召之以老疾歸辭還卒於家所著有柔克齋集趙仿稱其學博而  
深才高而瞻云

鮑由

大清一統志鮑由字欽止龍泉人舉進士嘗從王安石學又親炙



蘇軾其文汪洋闊肆詩尤高妙高宗召對除工部員外郎知明州  
又知海州奉祠卒嘗注杜甫詩有文集五十卷

### 果汝嘉

大清一統志果汝嘉字仲謨廣水人以外祖太宰何執中任入官  
建炎中知武進縣薦擢通判加直秘閣歷官轉運副使攝臨安府  
事以才畧見稱累遷權戶部尚書出知明州更溫寧三郡並有  
風績

### 詹嘉言

大清一統志詹嘉言字心聲松陽人為象山縣訓導佐縣令平海  
寇轉蒼縣教諭流賊猝至被執不屈死

### 史祿鞏

以下江西志

大清一統志史祿鞏鄞人提點江西刑獄歲大旱饒信南康三郡  
大祲祿鞏釐戶為五甲乙以等第賑糶而為自給丁糶而戍濟全  
活一百十四萬有奇饒州兵藉溢供億不繼汰冗兵令下營門大  
噪祿鞏呼校曰不當者許自陳敢喧嘩者斬之諸營遂帖然

### 夏時正

大清一統志夏時正仁和人成化六年以南京大理寺巡視江西  
災傷除無名稅十餘萬石汰諸冗役數萬奏罷不職吏二百餘人  
增築南昌漢江堤及皇城諸縣陂岸民賴其利

### 楊守隨



大清一統志楊守隨鄞人成化中授御史巡按江西所至以風采見憚

楊守隅

大清一統志楊守隅守隨弟歷官江西泰政有政績甯府祿米石徵銀一兩後漸增十之五守隅入請於王裁減為舊

黃宏

大清一統志黃宏鄞人正德中為江西參議按湖西嶺北二道王守仁討橫水桶岡賊宏王餉賊聞念四版降後特宏濠勢剽九江宏發兵捕之走匿濠祖墓中盡得其輜重以歸宏濠反被執宏憤怒以手格向柱墜項卒贈太常卿

王佐

大清一統志鄞人王佐鄞人萬歷中為南昌知府以節儉先僚屬鋤強扶弱興學校浚河渠甚有聲歷提學副使督糧奏改按察使右布政使並在江西浚由廣東左布政後陞巡撫民間其未嘗喜寇盜並頓息稅使潘相李道為民害佐以利害諭相使自請減稅五千而劾道為民害得撤還歲大水設策賑救民困為蘇所在皆立祠祀焉

遺書閣

大清一統志遺書閣在樂平縣儒學講堂後明統志宋楊簡嘗為邑令既去門人表公輔提刑江東命肖像藏其遺書於此



楊簡

大清一統志楊簡慈溪人知樂平縣興學訓士諸生聞其言有位下者楊石二少年為民害簡寘獄中諭以禍福咸感悟歛自贖由是邑人以為恥夜無盜警路不拾遺紹興五年召為國子博士二少年率縣民隨出境外呼曰楊父

趙潛恭

大清一統志趙潛恭定海人永樂中知德興縣時田疇多蕪潛恭計口授田錄民力強弱為三等以定差役歲歉自貸富室以賑民飢後卒於官

劉安

大清一統志劉安慈溪人嘉靖中以御史謫餘干典史能勤於職築決堤數十丈稱為劉公堤

時荷

大清一統志時荷字道陽四明山道士永和二年南昌許遜奉詔上昇荷持龍節前驅

翁鳳耆

大清一統志翁鳳耆鄞縣人石門巡檢康熙十四年五月耿逆陷城殉難昭經歷

陳禾

大清一統志陳禾鄞縣人遷石正言首劾彙貫後劾黃經臣論奏



未終上拂衣起未引上衣衣裾落上曰正言碎朕衣矣未言陛下  
不惜碎衣臣豈惜碎首御史盧航奏未狂妄謫監信州江稅

### 袁甫

大清一統志袁甫鄞縣人嘉定中提點饒信刑獄盜起常山調他  
州兵千人屯廣信為備行部問民疾苦薦循良劾姦貪決滯獄創  
書院於貴溪之南祀先儒陸九淵歲大旱請緡錢以助賑恤疫癘  
大作創藥院以療活之所活不可數計

### 趙逢龍

大清一統志趙逢龍鄞縣人嘉定中知信州守己儉約日具蔬食  
坐公署事至印面問決遣政務寬恕極諭一以天理民彝為言吏

民不忍欺尤究心荒政以羨餘為平糶本

### 張昂

大清一統志張昂慈溪人成化中知鉛山縣性剛明不惑有狀巫  
隱形為淫亂昂印其背立歎死山中有窾掃子傷於虎昂朱書戒  
賊隍約五日內必驅虎伏辜虎如期至昂射之三中其首而死縣  
稱神君

### 胡夢泰

大清一統志胡夢泰字友履鉛山人崇禎進士除奉化知縣吏部  
會廷臣舉天下賢能有司十人夢泰與焉唐王時授兵科給事中  
奉使旋里順治三年城破與妻李氏同縊死乾隆四十一年賜諡



節愍

張處

大清一統志張處慈谿人理宗時知南康軍至郡剖決滯訟眾皆  
悅服前守陳宏以錢七千緡置濟民庫為築城費處曰不必取贏  
於民吾捐萬緡為倡何患事之難成轉運使以錢萬二千緡置平  
糶於郡處復出萬二千緡以增益之民賴其利將增建禁旅館營  
地屬民者索賈劑視原值償之

陳炎

大清一統志陳炎鄞縣人安親王恢復建昌題授廣昌知縣駐南  
豐已而城陷不屈死贈按察使金事

江白

大清一統志江白建昌人景德進士父禹錫有節義高年不仕躬  
自教授大中祥符初獻東封詩十五篇有詔嘉美賜粟帛歲時存  
問及卒白自鄞尉罷還負土營葬廬於墓側藜羹芒屨晝夜獲位  
終制後事聞詔賜粟帛

黃震

大清一統志黃震慈谿人咸信八年撫州飢起震知州事單車疾  
馳至州大書閉糶者籍強糶者斬揭於市米價日損轉運司下州  
糶米七萬石震曰民生艱矣宜重困以設官田三莊所入應之  
脩後朱子祠樹晏元獻里門後風雷祠勸民種麥禁競渡焚三百



餘艘用其丁鐵創軍營五百間

陳介妻程氏

大清一統志程氏名瓊鄞縣人刑部尚書程徐女適金谿陳介至  
正中京城破與母金氏俱赴井死

王泰

大清一統志王泰慈谿人正德中知清江縣舊以里甲值日科取  
每度泰至除十之七建倉備飢財力不取於民卒於官無以為殮  
知府戴德孺經理其喪士民哀之

虞澤

大清一統志虞澤領廬陵太守撫綏袁黎咸得所其所

陳本深

大清一統志陳本深鄞縣人宣德五年知吉安府郡多豪強奸  
訟巨猾竊搏等十九人橫閭里本深密遣人與相結召與飲伏壯  
士後中猝起拉殺之皆曳其尸以出一府大驚樂安大盜曾子良  
據大盤山眾萬餘本深設伏大破之斬子良其為政舉大綱不屑  
苛細大猾既殲府中無事每晨起升堂有所訟呼至榻前析曲直  
遣之亦不受狀有抑不伸者雖三尺童子皆得往白久之民耻爭  
訟尤折節士人飾治學宮奏新先儒祠廟滿九載當遷郡人乞留  
詔予正三品俸又九載諡老既去民肖像祀之

表斌



大清一統志考武鄞縣人正德中任江西參將奉新土賊李肅七等掠瑞州武奮剿矢盡沒於陣

趙逢龍

大清一統志趙逢龍鄞人理宗時知袁州

張邦奇

下湖北志

大清一統志張邦奇鄞縣人武宗時為湖廣提學副使下教曰學不孔顏行不曾聞雜文為雄傑吾不取也在任三四年諸生競力於正學

顏鯨

大清一統志顏鯨慈谿人督學湖廣清介不阿楚藩常有所屬鯨

峻却之試畢集諸生於廉菴書院講學率以為常以試貢生不從大學士張居正請託左遷山東參議

史弼鞏

大清一統志史弼鞏鄞縣人嘉定中李真開鄂閩知弼鞏指論不阿辟諮幕府事壽昌戍卒爰律以盡誅其亂者弼鞏誅倡者一人軍心咸服

趙逢龍

大清一統志趙逢龍鄞人理宗時知興國軍至官有司例設供帳悉命撤去日具蔬食坐公署事至即向而決遣政務寬恕極諭惻怛民不忍欺尤究心荒政以羨餘為平糶本



丁鶴年

大清一統志丁鶴年其先西域人父知默特羅丹為武昌縣達魯噶齊遂為武昌人淮兵襲武昌奪嫡母走鎮江母歿鹽販路不入口者五年後避地四明後還武昌生母馮已前死不知殯處慟哭行求母告以夢乃齧血沁骨斂而葬焉烏斯道為作丁孝子傳鶴年好學洽聞精詩律晚學浮屠結廬居父墓卒

陳宗夔

大清一統志陳宗夔字惟一通山人嘉靖進士累官浙江兵備道副使有破倭寇功

俞述祖

大清一統志俞述祖象山人為沔陽府推官至正十二年斬黃賊迫州境述祖領兵民守綠水洪兵力不支沔陽城陷述祖為賊所執械至其偽主徐壽輝所誘之降述祖罵不輟壽輝怒支解之有子方五歲六死事聞贈奉天大夫禮部郎中象山縣男

陳惠

大清一統志陳惠鄞縣人正統初知漢川縣專尚德化勸農興學士民德之

張璜

大清一統志張璜字宗器孝感人正統中進士歷工部郎中出知甯波府中官怙勢熾貨璜疏劾之其黨皆伏罪巡撫四川討平苗



亂奏立安甯宣撫司遷戶部左侍郎督漕巡撫鳳陽卒於官

董黯

大清一統志董黯向平人事母孝比隣有王寄者母以黯終孝佩寄寄忌之伺黯出辱其母黯恨之及母死斬寄首以祭母自陳於官和帝詔釋其罪且召拜郎中不就

虞忠

大清一統志虞忠餘姚人為宜都太守晉伐吳與陸晏陸景堅守不下城潰被害

張愷

大清一統志張愷甯波人正統中知江陵縣興學校建公署革弊

釐奸吏民畏服

高斗樞

大清一統志高斗樞鄞縣人崇禎初知荊州府寇來逼無一卒可用乃藉民為兵出舊礮石餘百餘置城上適賊哨騎至聞聲驚遁部議核屯田之役於民者徵其舊賦斗樞力持不可乃止

豐稷

大清一統志豐稷鄞人為穀城令以廉明稱

馮若愚

大清一統志馮若愚慈谿人萬曆中知襄陽府時宗藩擾民羣校絡繹出侮州邑長吏若愚一切禁斷之藩不敢逞又詔開礦稅墮



聚亡命生事若愚捕瑄役數十人志縛以石投諸江瑄遂載尋中以事罷去

### 鄭清之

大清一統志鄭清之鄞人峽州教授湖北茶商羣聚暴橫清之白總領何炳曰此輩精悍宜藉為兵緩急可用因召募之趨者雲集號曰茶商軍後多賴其用

### 虞澤以下湖南志

大清一統志虞澤餘姚人清貞有檢括大司馬齊王回請為祭淫徒醜陵令值張昌作亂郡縣多從之澤獨起兵斬昌別將鄧穆等

### 陳綱

大清一統志陳綱鄞縣人成化中長沙府通判除冗費決疑獄去之日行李蕭然堂修藏麓書院後士民以綱送祀其中

### 楊茂先

大清一統志楊茂先鄞縣人弘治間山東副使以言事忤權貴滴同知以興起斯文為任加憲書院表手隱德歷官刑部侍郎長沙人祀之六君子祠

### 秦鉞

大清一統志秦鉞慈溪人正德中知攸縣廉幹棧警縣治為盜賊所毀鉞為更創

### 李振珽



大清一統志李振廷鄞縣人崇祯中知寶慶府張獻忠破城被執  
至衡陽不屈赴湘水死

大清一統志

王士華  
大清一統志王士華鄞縣人正德中知華容縣築圩四十餘墩百  
五十墾田數萬頃九載績成水患乃息

姚孳

大清一統志姚孳知桃源縣興利除害知無不為縣有災患孳默  
禱於社諭以文三日虎自死於社祠

應履平

大清一統志應履平奉化人永樂中知常德府歲苦麥秋履平以

非土產請易以米詔許之

趙逢龍

大清一統志趙逢龍鄞人嘉定間歷知衡州每至官有司例設供  
帳悉命撤去日具蔬飯坐公署事至即面問決遣為政務寬恕按  
諭惻怛一以天理民彝為言民是以不忍欺居官自常俸外一介  
不取民賦有逋負悉為代輸尤究心荒政以羨餘為平糶本

薛寘

大清一統志薛寘昌國人衡陽主簿時史弼堅帥湖南寇起里風  
洞檄寘往撫將至有道其姓氏者遂投戈退

陳鋼




大清一統志陳鋼應天人成化中授黔陽縣城當沅梅合流敷決  
廬舍鋼募採石鑿隄千餘丈水不為害南山崖官道徑窄行者多  
墮崖死鋼積薪燒山沃以鹽拓徑丈許行者便之鋼病民爭歛神  
願減算益鋼壽

本項為湖南重慶府忠縣外流之山其地山峻水險行路極難  
備因野一以天野月夜言月五日山峻水險行路極難  
縣令韓某自具疏請於家議置官道由國共助成其功  
大創一碑志其功績入集定官制於此後其功績

縣志

重慶府志卷之四





明州札記

張昂 以下四川志

大清一統志張昂慈谿人宏治中歷四川僉事有富豪殺人屢以  
賄免御史檄昂治果得其情尋進副使守備中官某將進術士於  
朝周慧於朝昂即擒慧治罪徙之極邊

陳良謨

大清一統志陳良謨鄞人崇祿十二年巡撫四川張獻忠羅汝才  
猖獗楊嗣昌議盡馳入蜀蹙而殲之檄諸將集於郾襄良謨曰是  
將以蜀為壑也躬閱關隘嚴飭文武將吏為堵勦計期海當還詔  
留任專護蜀王良謨飭守具檄屬城堅壁法野教調諸將出擊賊



犯成都良漢遣將列要害為犄角勢一再戰賊始奔潰優旨賜銀幣明末殉難本朝乾隆四十一年賜諡恭潔

宋耕

大清一統志宋宋耕蜀州人性剛介一朝棄官去莫知其終子德之既長其從父語之曰吾昔之臨安人言蜀有宋宣教者渡浙江而古吾適越求之列入四明矣德之尋訪至雪竇有蜀俗言聞諸耆老山後有爛平山有三居士焉其一則宋宣教也德之躋攀至爛平見丹竈置祠其上而歸

趙孟壘

大清一統志趙孟壘合州人為金華尉臨安降吳從子由鑑懷太

皇太后帛書詣益王權宗正寺簿監軍後明州戰敗見獲不屈磔死

姜炳璋

大清一統志姜炳璋象山人乾隆甲戌進士知石泉縣作六勤九戒梓以勸儆其民民業山惟種蕎麥文釋因教以注水作堰法民道行之始知有水田利又禁火葬嚴婚娶相沿舊俗多所革去臨臨教諭民有慈父母之稱委署江油凡六月決疑獄增書院膏火田除昏役積弊民戴之如石泉江油有舊縣壩久廢諭民脩築躬親督之堰成開田數千畝民因號為姜公堰

陶屋仲

以下福建志



大清一統志陶厚仲鄞人洪武中為福建按察使多滯獄吏黃緣為奸厚仲按誅贓吏數十人風弊頓革興學勤士撫恤軍民帝下詔褒異

姚鏌

大清一統志姚鏌慈谿人正德時以福建副使提督學政興泉故無春秋學建汀州鮮易鏌延名儒分教諸縣五經之業始備諸生為立祠祀之

謝汝儀

大清一統志謝汝儀鄞人嘉靖中為福建金事擒扛劇賊李良武表名儒周瑛陳真晟為立祠置田進副使攝按察使事辨出漳州

民陳大淵莆田民陳仰亭等冤獄時稱其能

屠僑

大清一統志屠僑鄞人嘉靖中為福建左布政使入覲不攜一物所部屬吏無敢以苞苴至京者

虞愿

大清一統志虞愿餘姚人為晉安太守前政於百姓交頌質錄其兒掃原遣人於道奪取將還在郡立學堂教授海邊有越王石堂隱雲霧相傳太守清廉乃見愿往觀清微無隱蔽

虞寄

大清一統志陳虞寄餘姚人張魁佳往臨川寄與俱行魁將鄭瑋



劫寄奔晉安陳時陳寶應據閩中得寄寄每陳逆順之理以諷陳寶應不從乃居東山偽稱脚疾不起而隱

王彝

大清一統志王彝四明人宣德中知仙遊縣招撫逃亡縣治學宮壇壝皆以次脩治

張琦

大清一統志張琦鄞人宏治中知興化府政尚簡易以儒術飭吏治有古循吏風每臨山水輒喜題詩於巖壁之間時人咸號以為文章太守課績為一時之冠也

方軫

大清一統志方軫字井時莆田人以廕補太廟齋郎蔡京後相軫列其罪千二百餘言詔以疏示京下御史臺鞠治獄具編管嶺南終為鄞縣令也

陳膏

大清一統志陳膏莆田人為御史鄞僧王法思謀逆事覺或法屠城膏力論多殺非聖世事脅送志寃宥之子居仁紹興中進士官至直學士

汪大猷

大清一統志汪大猷鄞人孝宗時知泉州時毗舍邪堂掠海濱居民大猷作屋二百區遣將留屯寇不復犯久之戍兵以真臘大賈



誣為毗舍邪犯境大猷為辨白遣之三佛齊法鑄銅瓦三萬詔廣  
泉二州守臣督造付之大猷奏法銅不下海中國分境銷銅奈何  
為其所役卒不與

蔡錫

大清一統志蔡錫鄞人宣德間知泉州府奏除洛陽東山大橋三  
鎮戍兵公便私便之洛陽橋地在有刻文云右摧顏蔡甫來錫因  
捐俸脩之民立祠蔡襄祠旁祀之

王顯謨

大清一統志王顯謨慈谿人漳州府同知順治九年鄭寇竊發顯  
謨與賊鬪力盡赴水死

陳汝咸

大清一統志陳汝咸鄞人康熙辛未進士知漳浦均賦役革弊便  
民興學校建南溟書院并四門義學每朔望身往會講又邑遇水  
災設法拯之全活者以千數士民愛戴之三年調南靖日五環擁  
塞道後行取刑部主事陞大理少卿

張佐治

大清一統志張佐治字思謨平和人萬歷進士歷甯波知府雪糶  
掃王氏冤獄捕殺人棄尸之盜人稱為神擢天津兵備道濶屯田  
數萬頃以勞卒於官

豐熙



大清一統志豐熙字原學鄞人世宗時為翰林學士興獻王尊禮  
稱禮定熙疏諫不得命伏哭左順門遂下詔獄掠治後杖之闕廷  
遣戍鎮海衛屢更大赦不原熙處之恬然寓居雲岡日以讀書為  
事閱十有三年竟卒於戍所

懷璉

大清一統志懷璉龍溪陳氏子師事泐潭皇祐中名對化成殿稱  
旨賜號大覺詔住淨園院所賜問答詩頌凡十有七篇治平中丐  
歸英宗賜手詔許之渡江入四明郡守迎致建大閱榜曰宸奎蘇  
軾為撰碑

俞偉

大清一統志俞偉甯波人元祐中知順昌民生子多不舉作戒殺  
子文名諸鄉父老列坐廡下親酌而侑之出其文使歸勸鄉人歲  
月閒活者千計轉運判官曹輔上其事朝廷嘉悅之改就一官仍  
令再往

陳攄

大清一統志陳攄鄞人紹興中知將樂邑佐家舉一子富室不過  
二子餘悉棄之攄以諭以天性申以令甲周之官錢犯者究治自  
茲民無不舉子者

胡瓊

大清一統志胡瓊字國華南平人正德進士由慈谿知縣入為御



史歷按貴州浙江有聲嘉靖中初席書以中旨拜尚書瓊抗疏力  
爭尋偕廷臣伏闕爭大禮世宗怒下獄廷杖卒隆慶初贈光祿少  
卿

陳居仁

大清一統志陳居仁明州人孝宗時知建甯府歲飢出儲粟平其  
價弛逋負以巨萬計代輸畸零繭稅

袁甫

大清一統志袁甫鄞人理宗時知建甯府兼福建轉運判官閩鹽  
隸漕司例運兩綱供費後增至十有二吏卒並緣為奸公私苦之  
甫奏復舊例丁米錢久為泉漳興化民患會知漳州趙以夫請以

廢寺租為民代輸甫並捐三郡歲解本司錢二萬七千貫助之

孫夢觀

大清一統志孫夢觀慈谿人理宗時知建甯府蠲租稅省刑罰郡  
人徐清叟蔡抗以為有古循吏風

豐稷

大清一統志豐稷鄞人蔡京得政脩故怨除名徙建州

袁穀

大清一統志袁穀鄞人元豐間知邵武軍蒞官清介嘗有詩句詠  
之曰滄浪不須濯纓上本無塵

王鈞



大清一統志王鈞奉化人嘉靖中知府鄒武為政簡靜公庭窅然不煩  
鞭朴御史行部銜紡亢直伺隙不得已察治行知為廉吏乃薦之  
朝

鄒應龍

大清一統志鄒應龍字景初慶元進士為起居舍人進資政殿學  
士知慶元府提舉洞霄宮卒

朱欽

大清一統志朱欽字懋恭鄒武人成化進士授甯波推官治行最  
擢御史所至著風節宏治中遷山東副使欽有清望屬吏聞聲欽  
職十五年吏部舉天下治行卓異者僅六人欽與焉

傅維祖

大清一統志傅維祖鄞縣人乾隆四年知福鼎縣時縣初建凡公  
署學堂宮壇宇草創經畫具有條理

陳褒

大清一統志陳褒字邦進甯德人嘉靖進士官御史敢言不諱巡  
按江西時夏言欲毀民居以益園囿上書諷之人為之危褒曰吾  
甯危一身忍見百姓離析之慘夏憾之謫四川久之移慈溪令歷  
遷廣西左江兵備著騶山集

應履平

大清一統志應履平奉化人洪武末知德化縣廉謹平恕勤學獎



士邑之有科第自履平始

趙逢龍 以下廣東志

大清一統志趙逢龍鄞人理宗時提舉廣東常平每至官有司例設供惟志命取五日具蔬食坐公署事至即決遣為政務寬恕民不忍欺自常奉外一介不取民賦有逋負志為代輸尤究心荒政以羨餘為平糶本

姚鎮

大清一統志姚鎮慈谿人嘉靖五年以右都御史提督兩廣軍務巡撫田州土官岑猛謀不軌鎮令都指揮沈希義等統兵入萬分道以討之請改設流言陳善後七事制可會猛黨盧蘓王受等復

叛而鎮以奪霍韜方獻夫所占田還之民為所排竟罷去

王鈞

大清一統志王鈞奉化人嘉靖中以兵部右侍郎提督兩廣軍務討平肇慶山賊馮天恩等置廣甯縣設立夫戍官控要害一方遂甯後倭寇自閩犯揭陽禦却之後討瀧水陽妻剽賊擒其魁餘黨悉解

劉煒

大清一統志劉煒慈谿人天啟初為廣東叅政潮有巨寇煒會兵進剿誅其魁改蒞南詔會大軍征兩廣勞瘁卒

虞翻廟



大清一統志虞翻廟在南海縣西北二里

黃日烝

大清一統志黃日烝慈谿人康熙中知增城縣未至賊數千遮道  
不許進日烝單騎直前諭利害遂散去增故盜窟尋皆自悔改行  
焉常器供億省刑蠲耗志心益民令行禁止胥吏不敢為惡邑常  
有完惠日烝誓於神惠遂寢後有為完所噬者皆盜賊也其事尤  
奇

王瑩

大清一統志王瑩鄞縣人宣德中知肇慶府興利除弊切於愛民  
於獄訟尤矜恤民皆頌之

戴浩

大清一統志戴浩鄞縣人正統八年知雷州府仁恕清勤嘗遇旱  
祝天曰願減十年算祈降三日霖果大雨歷事產芝三莖

臧夢鮮以下廣西志

大清一統志臧夢鮮慶元人至元間廣西廉訪副使故事烟瘴之  
地行部者多不至夢鮮必遍歷按問凡貪姦置於法者八十餘人  
又平反邕州黃震藤州唐氏掃兩冤獄

黃潤玉

大清一統志黃潤玉鄞人正統初為廣西提學銓事抑浮靡獎實  
行士風為變時方軍興有都指揮妾掠子女萬餘人潤玉劾而歸



之副使李立入民死罪至數百人亦為辨釋南丹衛處萬山中瘴甚成卒多死為奏徙夷曠之地

### 姚鎮

大清一統志姚鎮慈溪人宏治中為廣西提學僉事立宣城書院延五經師以教士子桂人祀山魃卓旺鎮毀之俗遂變嘉靖初提督兩廣軍務兼巡撫田州土官岑猛謀不軌鎮設計斬之又請改設流官陳善後七事制可

### 戴鑿

大清一統志戴鑿鄞人嘉靖中以副使備兵府江時蠻賊據江剽掠鑿練士卒分道入巢合擊俘斬殆盡歷仙迴松林馬尾石田等

山諸蠻四出求撫鑿許之由是咸輯

### 唐世堯

大清一統志唐世堯平樂人萬歷進士授甯波推官擢吏部主事佐冢宰陸光祖推舉萬國欽饒伸皆以國本建言得罪者隨鑄秩歸中人有採擢於昭者莫敢誰何世堯以大義力折之諸璫例目世堯亦不後出任居家以孝友稱

### 戴鑿

重南志

大清一統志戴鑿鄞縣人正德間授尋甸知府立法變蠻俗拓土城建學校

### 余廷楨

重南志



大清一統志余廷樞鄞縣人知鶴慶府興利除害嚴戢吏胥初至見民間爭訟猥細不情以片言麾之久之民悟訟息

應履平以下貴州志

大清一統志應履平奉化人宣德初為貴州按察使時山雲鎮廣西歲調貴州軍萬人春秋更代還多逃亡則取原衛軍以補履平奏貴州四境皆苗蠻今衛軍逃於廣西而以在衛者補不數年貴州軍伍空邊釁且起帝乃命雲嚴責廣西諸衛追還逃軍履平又以軍伍不足請令衛所官旗犯雜死及徒流者俱送鎮將立功期滿還伍邊兵犯盜及土官民與官旗罪輕者入粟缺儲所贖罪並送之

王來

大清一統志王來慈谿人景泰元年貴州苗韋同烈作亂以來為右都御史代侯璉總督軍務同烈以眾數萬據興隆後劫平越清平諸衛來遣都督毛勝陳友及方瑛三道進而來與保定伯梁瑤大軍繼之先後破三百餘砦賊懼縛同烈并賊將五十人八人降餘悉解散遂移軍清平且檄四川兵共剿都勻草塘諸賊皆降賊平來奏乞班師詔留來瑑鎮撫尋命來兼巡撫貴州廣通王徽燂結苗酋楊文伯等為亂來連戰破之尋召為南京工部尚書

李樞

大清一統志李樞鄞人萬歷四十七年擢右金都御史巡撫貴州



時安邦彥已有反謀權屢疏請增兵益餉中朝置不問會權被劾  
六疏乞休始得以王三善代而奢崇明已反重慶陷遵義貴陽大  
震權遂留視事典巡按御史永安募兵儲米治戰守具遣總兵  
官張彥方等援四川已而邦彥遂挾宣慰使安位反統水西軍及  
羅鬼苗衆數萬直趨貴陽權向變亟議城守會藩臬守令咸入覲  
城中文武無幾人乃分兵為五令提學劉錫元及參議部應正都  
司劉嘉言故副總兵劉岳分禦四門權自當北門之衝永安居譙  
樓團衝市兵以防內變賊至盡銳攻北城權迎戰敗之轉攻東門  
為錫元所却持數日賊多死乃日夕分番馳突以疲官兵又沿山  
為營柵隔內外後聞新撫王三善將進兵乃日夜攻架木高坡以

瞰南城權永安募死士燔之火五日夜賊盡攻擊之術終不能拔  
閏八月三善抵城下圍始解方被圍時城中食盡知縣周思稷自  
殺以餉軍升米銀二十兩權盡焚書籍冠服預戒家人急則自盡  
皆授以刀環城中戶十萬後僅餘二百人孤軍卒定皆權及永安  
錫元功

### 黃嘉雋

大清一統志黃嘉雋鄞縣人崇禎中知開州土苗作亂陷城嘉雋  
罵賊觸階而死子近衮及近宸及吏目聶禁俱死之



Handwritten text at the top of the right page, likely a title or header.

Handwritten text on the right page, possibly a list or a column of entries.

Handwritten text on the right page, continuing the list or entries.

Handwritten text on the right page, possibly a sub-header or a specific entry.

Handwritten text on the right page, possibly a sub-header or a specific entry.

Handwritten text on the right page, continuing the list or entries.

Handwritten text on the right page, possibly a sub-header or a specific entry.

Handwritten text on the right page, possibly a sub-header or a specific entry.

Handwritten text on the right page, possibly a sub-header or a specific entry.





